

Референдум

Інформації про воліча

I

Датум і час реалізованя референдуму

Референдум ся одбуде в суботу **21. 1. 2023** од **7:00** до **22:00** г.

II

Право волити

Право голосовати в референдумі має обчан Словенської републіки, котрый має право волити до Народной рады Словенської републіки, т. зн. котрый найпізніше в день референдуму досягне 18 років.

Прекажков права волити є законом оклічене обмежіння особной слободы з доводу охрани верейного здравя, кедь особітний закон в часі пандемії не встановить інакше.

III

Способ вольбы

Воліч може волити на території Словенської републіки

- у волебнім обводі, де є записаний у списку волічів, або
 - в будькоттім волебнім обводі на основі легітімації на голосованя.
- Воліч може волити мімо території Словенської републіки поштов, кедь
- не має стабільне місце бваня на території Словенської републіки і був на основі жадости записаний до окремого списку волічів,
 - має стабільне місце бваня на території Словенської републіки а в часі референдуму ся стримує мімо ей території і о вольбу поштов пожадать село/місто, де має стабільне місце бваня.

IV

Легітімація на голосованя

Воліч, котрый має стабільне місце бваня на території Словенської републіки і в день реалізованя референдуму не буде мочи волити в місці свого стабільного бваня у волебнім обводі, де є записаний у списку волічів, може пожадати **село/місто свого стабільного бваня** о выдана легітімації на голосованя. Село/місто на основі жадости волічови выдасть легітімацію на голосованя і зо списку волічів го вычаркне з позначков о выданю легітімації на голосованя.

Легітімація на голосованя дає право на записаня до списку волічів у будькоттрім волебнім обводі.

Воліч може пожадати о выдана легітімації на голосованя

особно,

найпізніше остатній робочій день перед реалізацієв референдуму (т. зн. Найпізніше 20. 1. 2023) в урядных годинах села/міста.

Село/місто видасть легітимацію на голосованя безодкладно.

в писмовій формі так,

жебы жадость о выданя легітимації на голосованя была доручена селу/місту найпізніше 15 робочіх днів перед днём реалізованя референдуму (т. зн. найпізніше 2. 1. 2023),

електронічно (імейлом) так,

жебы жадость о выданя легітимації на голосованя была доручена селу/місту найпізніше 15 робочіх днів перед днём реалізованя референдуму (т. зн. найпізніше 2. 1. 2023). Село/місто про тоты потреби публікуе на своїй вебовій сторінці електронічну адресу на посыланя жадостей. Кедь село/місто не має вебову сторінку, публікуе електронічну адресу на доручованя жадости на урядній таблі села/міста.

Жадость мусить обяговати інформації о волічови

- мено і прызвіско,
- родне чісло,
- штатну приналежность,
- адресу стабільного бываня (село/місто, улїца, чісло дому),
- корешпонденчну адресу, на котру село/місто зажене легітимацію на голосованя.

посередництвом особы уповномоченой жадателём

мож пожадати о выданя легітимації на голосованя найпізніше в остатній робочій день перед днём реалізованя референдуму (т. зн. найпізніше 20. 1. 2023).

Жадость мусить обяговати інформації о волічови

- мено і прызвіско,
- родне чісло,
- штатну приналежность,
- адресу стабільного бываня (село/місто, улїца, чісло дому).

Село/місто зажене легітимацію на голосованя волічови на адресу стабільного бываня, кедь в жадости не уведе іншу корешпонденчну адресу, найпізніше три робочі дні од прїятя жадости. Село/місто зажене легітимацію на голосованя на адресу уведжену в жадости рекомандо „*До властных рук*“.

Кедь воліч в писомній жадости або електронічній жадости уведе, же легітимацію на голосованя перевозьме інша особа, мусить в жадости увести ей мено, прызвіско і чісло обчаньской легітимації. Тота особа є повинна перевзятя легітимації на голосованя потвердити своїм підписом.

V

Вольба поштов

Воліч, котрый має місце стабільного бываня на теріторії Словеньской републікы і в часї референдуму ся стримує мімо ей теріторії

Воліч, котрый має місце стабільного бываня на теріторії Словеньской републікы і в часї референдуму ся стримує мімо ей теріторії, може пожадати село/місто стабільного бываня о вольбу поштов, а то

писомно (в писмовій формі) так,

жебы жадость о вольбу поштов была доручена на електронічну адресу села найпізніше 50 днів перед днём реалізованя референдуму (т. зн. найпізніше 2. 12. 2022)

Жадость доручена по становленім терміні не буде акцептована.

електронічно (імейлом) так,

жебы жадость о вольбу поштов была доручена на електронічну адресу села/міста найпізніше 50 днів перед днём реалізованя референдуму (т. зн. найпізніше 2. 12. 2022). Жадость доручена по становленім терміні не буде акцептована.

Жадость о вольбу поштов мусить обяговати тоты інформації о волічови:

- мено і призвіско,
- родне чісло,
- адресу стабільного бываня,
- адресу місця бываня в заграничу (уліця, чісло дому – орьентачне чісло, село/місто, ПСЧ, штат), на котрій сі воліч писмо перевозьме.

Кедь жадость сповнять законом установлены крітерії, село/місто зажене найпізніше 35 днів перед днём референдуму волічови, котрый пожадав о вольбу поштов, на адресу місця перебуваня в заграничу

- копертку з уряднов печатков села/міста,
- волебный листок,
- копертку на вернутя (вызначену геслом „VOLBA POŠTOU“ /“ВОЛЬБА ПОШТОВ“/, з выписанов адресов сельского/міського уряду як адресата і адресов воліча в заграничу як одосылателя),
- поучіня о способі голосованя.

По актї голосованя (подля поучіня о способі голосованя) вложить воліч волебный листок до копертки з уряднов печатков села/міста і заліпить ей. Заліплену копертку вложить до копертки на вернутя, котру посылать. Копертку на вернутя заганянь одосылатель на властны наклады.

До выслідку голосованя ся зарахують голоса на волебных листках, котры были доручены селу/місту стабільного бываня воліча найпізніше в послідній робочій день перед днём реалізованя референдуму (т. зн. найпізніше 20. 1. 2023).

* * *

Далшы інформації о референдумі суть уведжены на вебовій сторінці

www.minv.sk/?referendum